

Ataatsimiinneq Sisimiuni ingerlanneqassaaq aallartissallunilu nal. 08.30

Peqataasussat:

Atassut

Siverth K. Heilmann

Anna Karen Hoffmann

Emilie Olsen, *telefon-ikkut peqataavoq*

Inuit Ataqaatigiit

Juliane Enoksen

Sofie Dorthe R. Olsen, *peqataajunnaarpoq imm. 4 (imm. 8 kingorna) pineqarnerani*

Erneeraq Poulsen

Partii Naleraq

Malene Ingemann

Siumut

Marius Olsen, *Malik Berthelsen-imut sinniisussatut*

Kirsten Teera Grønvold, *Evelyn Frederiksen-imut sinniisussatut*

Ruth Heilmann

Efraim Olsen, *Gideon Lyberth-imut sinniisussatut*

Karl Lyberth

Frederik Olsen

Hans Frederik Olsen, *peqataalerpoq imm. 4 (imm. 8 kingorna) pineqarnerani*

Jakob Olsen

Nalunaaqqaarlutik peqataannngitsut

Malik Berthelsen

Gideon Lyberth

Evelyn Frederiksen

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Borgmesterip nalunaarutaa

Imm. 03 Ataatsimiitaliani siulittaasut nalunaarutaat

Aningaasaqarnermut tunngasut

Imm. 04 2018-imut missingersuutissat, ukiunullu 2019-imit 2021 tikillugu missiliuutissat siullermeerneqarnissaat

Suliassat nalinginnaasut

Imm. 05 Atammimmi pitsaaliuvisup nalinginnaasumik 8 tiiminik sulisalernissaanik siunnersuut

Imm. 06 Sisimiuni ilinniartut inaannik nutaanik sanaartornissamut kommunip pilersaaruserfigineqarneranut tapiliussassatut nr. 51-issatut siunnersuutip akuersissutigineqarnera

Paasissutissiissutit

Imm. 07 2017-imi septembarip 8-ni 9-anilu KANUKOKA-p Qaqortumi isumasioqatigiinnera pillugu paasissutissiissut

**Imm. 08 Kommunalbestyrelsimit sulinngiffeqarnissamik qinnuteqaat – Gideon Lyberth
*Malinnaatitaq***

Imm. 09 Tamalaat

Imm. 01 Oqaluuserisassat akuersissutigineri

Aalajangiineq

Imm. 04 nuunneqarpoq imm. 08-p kingornganut.

Karl Lyberth kommunalbestyrelsimi aningaasaliiffigineqarsimasoq Maniitsumi pinnguatarfiliornissaq sumut killinnersoq paaserusuppaa. Ukialersoq kommunalbestyrelsi sinnerlugu borgmester saqqummerpoq meeqqanut tapiissutit atorunnaarsinneqassasut, taassunga suna tunngasviunersoq apeqqutiginiarpaa.

Imm. 08 peqataasinnaanani nalunaarutigivaa.

Ruth Heilmann-ip apeqqutigaa Maniitsumi efterskole qaqugu ammaqinniarnersoq. Utoqqaat ulluat sapaatiuppat pisussaq kommunalbestyrelsi arlaatigut iliuuseqarniarnersut apeqqutigivaa.

Marius Olsen apeqqutigivaa 2016-imi Sarfannguani timersortarfeeraliornissaq akuersissutigineqarnikuusoq sumut killinnersoq.

Sisimiuni tuniniaaviup nutaamik taarserniarneqarnera sumut killinnersoq apeqqutigivaa.

Qimmilivik sulliffeqarfinnut namminersortunut sanaartorfissatut aalajangiunneqarsimammat apeqqutigivaa qimmit sumut nuunneqassanersut, aammalu qimussertartut peqatigiiffiat suleqatigineqarnersoq.

Frederik Olsen tullianut atatsimiinnissamut paaserusuppaa Sisimiuni nukissiuteqarneq qanoq inissisimarnersoq. Oqaatsit suut salliutinneqarnersut aamma apeqqutigivaa.

Anna Karen Hoffmann apeqqutigivaa napparsimanermi kommunalbestyrelsimi ilaasortat qanoq inissisimasarnersut.

Malene Ingemann-ip apeqqutigivaa angallat sissami kivinikoq sooq Kangerluaarsunnguamut nuunneqaannarsimarnersoq qaqqinneqarani.

Imm. 02 Borgmesterip nalunaarutaa

Aalajangiineq

Borgmesterip nalunaarutaa tusaatissatut tiguneqarpoq.

Imm. 03 Ataatsimiititaliani siulittaasut nalunaarutaat

Aalajangiineq

Aalisarnermut Piniarnermut Nunaqarfiillu pillugit ataatsimiititaliami siulittaasoq nalunaaruteqarpoq.

Ilinniartitaanermut Peqqinnermut Sunngiffimmi sammisunut Kultureqarnermullu ataatsimiititaliami siulittaasoq nalunaaruteqarpoq.

Inuussutissarsiutinut Takornariaqarnermullu ataatsimiititaliami siulittaasoq nalunaaruteqarpoq.

Teknikkeqarnermut Aatsitassarsionermut Avatangiisinullu ataatsimiititaliap siulittaasup tullia nalunaaruteqarpoq.

Siulittaasut nalunaarutaat oqaaserineqartut ilanngullugit tusaatissatut tiguneqarput.

**Imm. 04 2018-imut missingersuutissat, ukiunullu 2019-imit 2021 tikillugu missiliuutissat
siullermeerneqarnissaat**

Journalnr. 06.01.01

Tunuliaqutaq

Kommunalbestyrelsip 2017-imi siullermeertumik ataatsimiilluni 2017-imi maajip 16-iani ataatsimiinnermini, 2018-imut missingersuutissat, ukiunullu missiliuuteqarfiusussanut piffissaliussaq kiisalu 2018-imut missingersuutissanut killiliussassat akuersissutigai. Kommunalbestyrelsi 2017-imi maajip 16-iani ataatsimiinnermini (KB 01/2017 imm. 06), 2018-imut missingersuutissanut, ukiunullu 2019-imit 2021 tikillugu missiliuuteqarfiusussanut killiliussassanik aalajangiivoq.

Politikkikkut partiit, ataatsimiititaliat nunaqarfinnilu aqutsisut 2018-imut missingersuutissanut, ukiunullu missiliuuteqarfiusussanut kissaatititk 2017-imi juunip 20-ani nassiuppaat, tamannalu tunngavigalugu kommunalbestyrelsi 2017-imi aggustip 23-ani missingersuutissat pillugit kiisalu aningaasaqarnermi inissisimaneq pillugit isumasioqatigiippoq.

Maleruagassatigut tunngavissat

Kommunit missingersuusiortarnerat, aningaasanik tigorianaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq Qeqqata Kommunianut karseqarnermut naatsorsuserinermullu malittarisassat.

Pissutsit atuuttut

**2018-imut missingersuutissat, ukiunullu 2019-imit 2021-p tungaanut
missiliuuteqarfiusussanut tunngatillugu KB-p siusinnerusuklut aalajangiiffigisai pillugit**

2017-imi maajip 16-iani KB-p ataatsimiinnermini (KB 01/2017 imm. 04), 2018-imut missingersuutissanut, ukiunullu 2019-imit 2021 tikillugu missiliuuteqarfiusussanut killiliussassanik aalajangiivoq. Akissarsiat, akinillu qaffaanerit KB-mit akuersissutigineqartut, tunngaviumik missingersuutinut ilanngunneqarput.

2017-imut immikkut aningaasaliissutit nuutsinerillu Aningaasaqarnermut ataatsimiititaliamit (ØU) Kommunalbestyrelsimiillu akuersissutigineqarput, taakkulu 2018-imut tunngaviumik missingersuutissanut, ukiunullu missiliuuteqarfiusussanut ikkunneqartunut aamma sunniuteqassallutik.

Aaqqiissutit tamakku naammassineqareernerini, 2018-imut missingersuutissatut kiisalu ukiunut 2019-imit 2021 tikillugu missiliuutissatut siunnersuutit tullinnguuttutut isikkoqalerput:

2018-imut missingersuutissanut, ukiunullu 2019-imit 2021 tikillugu missiliuuteqarfiusussanut tunngatillugu Winformatikkimit 2017-imi septembarip 18-iani anisitaq, ilanngussaq 1eqitsimmi tulliuuttumi takussusiorneqartoq innersuussutigineqarpoq.

**Kommunalbestyrelsep septembarip 28-ani 2017-imi ileqquusumik ataatsimiinnerata 05/2017
imaqarniliornera**

Eqitsit 1: 2018-imut missingersuutissat, ukiunullu 2019-imit 2021 tikillugu missiliutaasussanut tunngaviusumik missingersuutissat:

Atuiffiup taaguutaa	M 2018	M 2019	M 2020	M 2021
Allaffissornermut tunngasut	101.388	100.857	100.857	100.857
Teknikki Avatangiisillu	39.382	39.434	38.517	38.517
Suliffeqarneq	27.662	27.662	27.662	27.662
inuussutissarsiornerlu				
Ilaqutariinnermut tunngasut	227.593	227.592	227.592	227.592
Ilinniartitaaneq kulturilu	230.993	230.993	230.993	230.993
Pilersuineq	3.384	3.384	3.384	3.384
Ingerlatsineq katillugit	630.402	629.922	629.005	629.005
Sanaartorneq katillugit	107.599	63.999	91.499	42.501
Aningaasartuutit katillugit.	738.001	693.921	720.504	671.506
Isertitat	-706.847	-706.847	-706.847	-706.847
Ingerlatsinermi angusat	31.154	-12.926	13.657	-35.341
Killiffimmi nikeraatit	10.000	10.000	10.000	10.000
Oqimaaqatigiisitsineq	41.154	-2.926	23.657	-25.341
Ukiup aallartinnerani aningaasaatit tigorianaat	21.500	-19.654	-16.728	-40.385
Ukiup naanerani uninngasuutit	-19.654	-16.728	-40.385	-15.044

2017-imi qaammatit arfinillit ingerlareernerini aningaasaqarnermik malinnaatitsinermi karsimi uninngasuutit, 2016-imi sanaartortitsinissamut aningaasaliissutit il.il. atunngitsuukkat 57,6 mio. koruuninut naatsorsorneqartut 2017-imut nuunneqarnissaannik siunnersuutigineqartoq malillugu, siuliani taaneqarluni 2018-ip aallartinnera aningaasaatit uninngasuutissatut naatsorsuutigineqartut naatsorsorneqarput. Sanaartortitsinissamut 2017-imi missingersuutit 2017-imi tamakkerlugit atorneqarnissaat naatsorsuutigineqarpat, 2018-p aallartinnerani aningaasaatit tigorianaat 21,5 mio koruuniussapput.

Kommunip isertitai pillugit

Kommunit qitiusumik oqartussanit isertitaat allannqornissaat pillugit arlalinnik nalunaaruteqartoqarnikuuvoq.

a. Inuit akileraarutaat

Allakkatigut 2017-imi aggustip 15-ianeersutigut Akileraartarnermut Aqutsisoqarfiup nalunaarutigaa, akileraarutitut tunngatillugu 2018-imut siumut tunniunneqartussat 347,4 mio. koruuninut, qaammammut naatsorsorlugu 28,95 mio. koruuninut naatsorsorneqarsimasut. Ilutigalugu 2016-imut iluarsiiisutigineqartut 34 mio. koruuniupput, qaammammut naatsorsorlugu 2,8 mio. koruunit. 2018-imi ataatsimoortumik akileraarutissaq 381.396.210 koruuniussasoq, qaammammut naatsorsorlugu 31.789.017 koruuniussasoq naatsorsuutigineqarpoq. Ilanngussaq 2 innersuussutigineqarpoq.

Taamaattumik 2018-imi missingersuutissani inuit akileraarutissaannut 328 mio. koruunit nalunaarsorneqarput, takuuk ilanngussaq 1. 2018-imi inuit akileraarutissaat Akileraartarnermut Aqutsisoqarfiup 381,4 mio. koruunit innersuussutigai, tamannalu 2018-imut tunngaviusumik

missingersuutissanut sanilliullugu 2018-imi 53,4 mio koruninik pitsanngoriaataalluni. 2019-imit 2021 tikillugu Akileraartarnermut Aqutsisoqarfik innersuussuteqanngilaq.

2019-imi inuit akileraarutaannut tunngatillugu 2018-imi aggustimi innersuussut malinneqassappat, 2019-imit 2021 tikillugu ukiumut 347,4 mio korrunit naatsorsuutigineqarsinnaassapput. 2018-imut inuit akileraarutaannut naatsorsuutigisai, Akileraartarnermut Aqutsisoqarfiup naatsorsuutigisaa, imaappoq 347,4 mio. koruunit aallaavigalugit 2019-imit 2021 tikillugu missiliuuteqarfiusuni inuit akileraarutaannut missiliuut tunngaviusumik missingersuutissanut innersuussutigineqassaaq, imaappoq tunngaviusumik missingersuutissani nalunaarsorneqarsimasunut sanilliukkaanni pitsanngoriaat 19,4 mio. koruuniuvoq.

Allannguutissatut taakkartorneqartut, 2018-imut missingersuutissanut, ukiunullu 2019-imit 2021 tikillugu missiliuuteqarfiusunut ilanngunneqassasut siunnersuutigineqarpoq. Erseqqissaatigineqassaaq, ukiunut tulliuuttunut aningaasatigut inissisimanissaq nalileruminaatsillugu Akileraartarnermut Aqutsisoqarfiup nassuerutigimmagu.

b. Ataatsimut tapiissutit

Naalackersuisut 2018-imut inatsisissatut siunnesuutitigut, missingersuutininut tapiissutissanut 20.05.20 "Kommuninut ataatsimut tapiissutit"-ni Qeqqata Kommunianut 2018-imi ataatsimut tapiissutissatut 264 mio. koruunit nalunaarsorsimavaat, tamatumanilu 2018-imut missingersuutissat, ukiunullu 2019-imit 2021 tikillugu missiliuuteqarfiusussat aallaavigineqarlutik.

Tunngaviusumik missingersuutini 2018-imut, ukiunullu missiliuuteqarfiusunut 255 mio. koruunit immikkoortinneqarput. Ilanngussaq 3 innersuussutigineqarpoq.

Missingersuutissanut tapiissutit aallaavigigaanni, 2018-imi, ukiunullu 2019-imit 2021 tikillugu missiliuuteqarfiusunut pitsanngoriaat 9 mio. koruuniuvoq, taakkulu Namminersorlutik Oqartussat sinnerlugit kommunit sulinerini akissarsianut, akitigullu qaffariaatinut pingaarnertut matussutissatut atorneqassallutik. Taamaakkaluortoq ataatsimut tapiissutissat pillugit isumaqatigiissutip kingunerisaanik, Qeqqata Kommunianut meeqqanut inatsisissamik atuutsitsilersitsinissaminut pisussaaffeqarpoq. Ilaqutariinnermut Isumaginninnermullu ataatsimiititaliap ataatsimiinnermini, 4,3 mio. koruunit tassunga atugassanngortippai.

c. Nalimmassaarineq

2018-imut missingersuutissani, ukiunullu 2019-imit 2021 tikillugu missiliuuteqarfiusuni Qeqqata Kommunianut nalimmassaarutissaq 103,2 mio. koruuniuvoq, nalimmassaarutissat 113,8 mio. koruuniussasut Akileraartarnermut Aqutsisoqarfiup nalunarutiginikuuaa, takuuk ilanngussaq 4. Tamanna 2018-imut missingersuutissani, ukiunullu 2019-imit 2021 tikillugu ukiumut 10,6 mio. koruuninik pitsanngoriaataavoq.

Akileraartarnermut Aqutsisoqarfiup allakkiamini eqqaavaa, nalimmassaariaasissap nutaap atuutsilersinneqarnissaata tungaanut massakkut nalimmassaariaaseq atuutissasoq Naalackersuisuisut sionatigut aalajangernikuuaat. Ilanngussaq 4 innersuussutigineqarpoq.

**Kommunalbestyrelsip septembarip 28-ani 2017-imi ileqquusumik ataatsimiinnerata 05/2017
imaqarniliornera**

Tunngaviusumik missingersuutitut sanilliullugu siuliani taaneqarlutik isertitassatut allannguutissat, eqitsit 2-mut ilanngunneqarput:

Eqitsit 2: Tunngaviusumik missingersuutitut sanilliullugu isertitassat allannguutaat (1000 kr.)

Atuiffik	Isertiat iluarsisutaat (t. kr.)	2018	2019	2020	2021
80-01	Inuit akileraarutaat	-53.396	-19.400	-19.400	-19.400
83-01	Ataatsimut tapiissutit	-9.013	-9.013	-9.013	-9.013
41	Meeqqanut inatsit	4.300	4.300	4.300	4.300
83-01	Nalimmassaaneq	-10.619	-10.619	-10.619	-10.619
	Katillugit	-68.728	-34.732	-34.732	-34.732

2017-imi missingersuutini ukiunnullu 2018-imiit 2020-p tungaanut missiliuuteqarfiusuni pitsaasumik akiliisinnaassutsimut sunniutilimmiit tunngaviusumik missingersuutitut sanilliullugu isertitaqarnerusinnaaneq takuneqarsinnaavoq.

Isertitat ilanngunneqarnerisigut aningaasaatit pillugit

Eqitsit 1 aamma 2 tunuliaqutaralugit, aningaasaatit tulluuttutut naatsorsorneqarsinnaapput:

Eqitsit 3: Isertitat ilanngutereernerisigut oqimaaqatigiissitsineq/aningaasaatit (1.000 kr.)

Atuiffiup taaguutaa	Missingersuut issatut siunnersuut 2018	Missiliuut 2019	Missiliuut 2020	Missiliuut 2021
Oqimaaqatigiissitsineq (Tunng.missingersuut)	41.154	-2.926	23.657	-25.341
Isertitat allannguutaat (eqitsit 2)	-68.728	-34.732	-34.732	-34.732
Oqimaaqatigiissitsineq/aningaasaatit	-27.574	-37.658	-11.075	-60.073

Erseqqissaat: (-) isertitaqarnerunermik isumaqarpoq.

2018-imut missingersuutissanut, ukiunullu 2019-imit 2021 tikillugu missiliuuteqarfiusussanut sanaartortitsinissamat missingersuutissat pillugit.

Ukiut siulii assigalugit Qeqqata Kommuniata sanaartugassanut kissaatini, 2017-imi marsip aallaqqaataani Namminersorlutik Oqartussanut nassiuppai. Kissaataasut ilarpaalui Qeqqata Kommunianit 50 procentimik aningaasaleeqaataannissamik imaqarput. Naalakkersuisut 2018-imut aningaasanut inatsisissatut siunnersuutiminni, Qeqqata Kommuniata sanaartortitsinissamat qinnuteqaatai aningaasaliiffisimanngilai, takuuk missingersuutissat pillugit isumasioqatigiinnermi saqqummiussaq.

Namminersorlutik Oqartussat 50 procentimik aningaasaliisinnaappata, sanaartugassanut tallimanut aningaasaliissutit 2018-imut missingersuutissani ilanngunneqarput. Matumani inissialiortitsinerit, innarluutilinnut centerissat, Kangaamiuni meeraateqarfik kiisalu Maniitsumi Sisimiunilu meeqqeriviit ataatsimoorluni sanaartortitassat pineqarput.

**Kommunalbestyrelsip septembarip 28-ani 2017-imi ileqquusumik ataatsimiinnerata 05/2017
imaqarniliornera**

Eqitsit 4: Namminersorlutik Oqartussat aningaasaleeqataatinnagit 2018-imut missingersuutissani sanaartortitsinissamik suliniutit.

Atuiffik	Atuiffiup taaguutaa	Missingersuut issatut siunnersuut 2018	Missiliuut 2019	Missiliuut 2020	Missiliuut 2021
70-98-00	Ataatsimut sanaartortitsineq	10.000	10.000	10.000	0
74-39-09	Sisimiuni Maniitsumilu innarluutilinnut centeri	10.000	10.000		0
75-38-00	Kangaamiuni meeraateqarfik	3.500	0	0	0
75-73-20	Maniitsumi meeqqerivik	4.000	4.000	4.000	0
75-72-10	Sisimiuni meeqqerivik	2.500	4.000	4.000	

Meeqqanut suli atualinngitsunut, meeqqat atuarfiannullu tunngatillugu sanaartornissamik nutarsaanisamillu sulissanut, 2018-imi januaarip aallaqqaataanit kommunit akisussaaffimmik tigusissasut naatsorsuutigineqarpoq, tamannalu 2018-imi ataatsimut tapiissutissanut ilanngunneqarluni. Tassunga atatillugu Qeqqata Kommunia ukiumut 14 mio. koruuninik pissarsisalissasoq naatsorsuutigineqarpoq, kisianni pissutsit taamatut allangorpata, siunissami meeraateqarfinnik meeqqerivinnillu sanaartortitsinermi kommunit immikkut tapiiffigineqartarunnaassapput. 2018-imut missingersuutissat aappassaaneerneqarnissaanni, meeraateqarfinnut meeqqerivinnullu aningaasaliissutissat, assigisaanillu Maniitsumi Kangaamiunilu atuarfiit nutarterneqarnissaasa aallartisarneqarnissaat isumannaarneqartariaqarput. Meeqqanut tunngatillugu kommunip pingaartitsinera, kommunillu aningaasaateqarluarnera eqqarsaatigalugit, ukiumut 14 mio. koruuniinnaat immikkoortittarnagit sanaartortitsinissami suliasat taakku piffissaliussatigut siuartinneqartariaqarput.

Siusinnerpaamik 2019-imi januaarip aallaqqaataani ineqarnermut tunngasunik kommunit tigusissasut naatsorsuutigineqarpoq, taavalu utoqqarnut innarluutilinnullu tunngatillugu sanaartortitsisarnerit kommunit tamakkiisumik tigussaneraat ersarissumik suli pilersaaruteqartoqarani. Ilutigalugu innarluutilinnut centerissat qanoq ilusilersorneqarnissaat/atorneqarnissaat pillugu kommunip nammineq pilersaarutai suli iluamik inissinneqarnikuunatik. Meeqqureviliortiternerit killorluinnaanik, Namminersorlutik Oqartussat aningaasaleeqataatinnagit kommuni suli inissialiornikuunanilu innarluutilinnut atugassanik sanaartortitsinikuunngilaq. Taamaattumik inissialiortitsinissaq, innarluutilinnullu atugassianik sanaartortitsinissaq pillugu ukiup tulliani aalajangiisoqaruni pitsaanerussaap.

2018-imut missingersuutissanut, ukiunullu 2019-imiit 2021 tikillugu missiliuuteqarfiusussanut missingersuutissanut kissaatit pillugit.

Missingersuutissanut kissaatit nutaat missingersuutissat pillugit isumasioqatigiinnermi saqqummiunneqarlutillu, ataatsimiititalianit ataavartunit eqqartorneqarput. Ataatsimiititalianut ataavartunut tamanut tullerriaarineq ilanngussaq 6-imi takuneqarsinnaavoq.

Suleqatigiissitat tullerriaarineri innersuussutaallu tunuliaqutaralugit siunnersuutigineqarpoq, 2018-imut missingersuutissanut, ukiunullu 2019-imit 2021 tikillugu missiliuuteqarfiusussanut missingersuutitigut kissaatit tullinnguuttut ilanngunneqassasut. Missingersuutitigut kissaatit kiisalu

**Kommunalbestyrelsip septembarip 28-ani 2017-imi ileqquusumik ataatsimiinnerata 05/2017
imaqarniliornera**

2018-imut missingersuutissani, ukiunullu 2019-imit 2021 tikillugu missiliuuteqarfiusussanut ingerlatsinermi aningaasaqarnikkut sunniutaasussat eqitsimmi allassimapput.

Eqitsit 5: 2018-imut missingersuutissanut, ukiunullu 2019-imit 2021 tikillugu missiliuuteqarfiusussanut ingerlatsinermut sanaartortitsinermullu missingersuutissanut kissaatit (1.000 kr.)

Nr.	Missingersuutitut kissaat	2018	2019	2020	2021
119	Perusersartarfiit angallattakkat	500			
91	Isumaginninnermi siunnersortit/suliniutitut suleqataasut tallimat	4.000	4.000	4.000	4.000
93	Ulloq unnuarlu angerlarsimaffimmi ikiortit	1.800	1.800	1.800	1.800
88	Puigortunngortunut immikkoortortaarfik (Namm. Oqartu. 50 procentimik aningaasaleeqataanissaat ilanngunnagu)	1.000	9.000	8.000	
21+102	Silami sunngiffimmi sammisassanut aningaasaliissutit	1.000	1.000	1.000	1.000
22	Nipilersornermik festivalertitsinernut tapersuaq	800			
95	Atuarfintut pisortaanermik atorfinitsitsinissaq	1.000	1.000	1.000	1.000
95	Tuluttut ilinniartitsinerup suliniutigiginissaa	300	300	300	300
96	Kajumisaarutit maligassiuisullu	200	200	200	200
97+98	Kulturi peqqinnerlu pillugit isumasioqatiginneq	800			
99+103	Maniitsumi kulturikkut illorsuassap, illussallu misissorneqarneri	400			
5	Sisimiuni Akianut ikaartarfimmi pisuinnaat aqqutaat	2.500			
7	Asfaltiilorfik angallattagaq, aqutsissullu nutaaq	15.000			
8+120	Illoqarfimmik takujuminarsaaneq	1.000	1.000	1.000	1.000
33	Nunaqarfinni qatserinermut atortut	2.000			
110	Upalungaarsimaneq pillugu ilinniartitsineq	1.500	1.500	1.500	1.500
43	Atammimmi aqquserngit pitsannorsaaavigineqarneri	3.000			
111	Maniitsumi ikuallaavimmi atorfik	360	360	360	360
114+127	Kalaalimeerniarfiup siunissaa/namminersortunngorsarneqarnissaa pillugu misissuineq	300			
124	Kalaalimeerniarfiup ammasarfiata sivitsorneqarnissaa	100	100	100	100
23	Suliffimmi atukkat pillugit misissuineq	200			
31+80	Pikkorissarnermut aningaasaliissutit	400	400	400	400
59	Kangerlussuarmi timersortarfik tamatigoortoq	8.000			
		46.060	20.660	19.660	11.660

**Kommunalbestyrelsip septembarip 28-ani 2017-imi ileqquusumik ataatsimiinnerata 05/2017
imaqarniliornera**

Missingersuutissanut kissaatit ilanngukkaanni aningaasaatitigut nammassinnaassuseqarneq eqitsit 6-imi takussusiorneqarpoq.

Eqitsit 6: Missingersuutissanut kissaatit ilanngukkaanni aningaasaatitigut nammassinnaassuseqarneq.

Atuiffik	Atuiffiup taaguutaa	Missingersuut issatut siunnersuut 2018	Missiliuut 2019	Missiliuut 2020	Missiliuut 2021
	Oqimaaqatigiissitsineq (Tunng.missingersuut)	41.154	-2.926	23.657	-25.341
	Isertitat allannguutaat (eqitsit 2)	-68.728	-34.732	-34.732	-34.732
	Illuliortitsinissat, innarluutilinnullu centerissamik kinguartitsineq (eqitsit 4)	-20.000	0	10.000	10.000
	Missingersuutissanut kissaatit nutaat (eqitsit 5)	46.060	20.660	19.660	11.660
	Siullermeerinninnermi oqimaaqatigiissitsineq/aningaa satigut atorsinnaasat	-1.514	-16.998	18.585	-38.413

Akigititat, sulisut amerlassusiisa allattorsimaffiat, qinikkanullu akissaatit pillugit.

Paasissutissiissutigineqassaaq akigititat, sulisut amerlassusiisa allattorsimaffiat qinikkanullu akigititat aappassaaneerinnermi saqqimmiunneqassammata. Teknikkimut ataatsimiititaliap 2017-imi oktobarip qaammataani ataatsimiinnissamini akigitinniakkani eqqartussavai. Ilinniartitaanermut Ilaqtariinnermullu Immikkoortortanut tunngatillugu sulisut amerlassusiligaanerisa takussutissartaa 2017-imi oktobarip qaammataani naammassineqassaaq.

Atuilluartuunissakkut kingunerisinnaasai.

2018-imit missingersuutissat siullermeerneqannginnerani, isertitat, aningaasartuutit kiisalu aningaasaatit uninngasuutit akornanni aningaasaqarnikkut oqimaaqatigiippit.

Aningaasaqarnikkut allaffissornikkullu kingunerisinnaasai

Atuilluartuunissamik kingunerisinnaasaani taakkartorneqartut aallaavigalugit, 2018-imit 2021 tikillugu kommunip aningaasaqarnera siunnerfilimmik ingerlavoq. Akileraarutit procentiata allannguuteqannginnissaanut kiisalu sanaartortitsinerup annertusinissaanut siusinnerusukkat anguniakkat attatiinnarneqarsinnaapput.

Allaffeqarfiup naliliinera

Allaffeqarfimmit immikkut maluginiaqquneqarpoq, kommunip isertitaasa aningaasartuutaasalu maannakkut naliliiffigineqarnerat, Namminersorlutik Oqartussat aningaasaleeqataaffigisaannik sanaartortitsinissamut innersuussutit kiisalu 2018-imit missingersuutissanut, ukiunullu 2019-imit 2021 tikillugu missiliuuteqarfiusussanut missingersuutissanut kissaatit innersuussutigineqartut naapertorlugit, 2018-imit missingersuutissani, ukiunilu 2019-imit 2021 tikillugu missiliuuteqarfiusussani isertitassat, aningaasartuutissat aningaasaatillu uninngasuutissat oqimaaqatigiimmata.

Qeqqata Kommunia aningaasaqarnikkut naatsorsuuserinikkullu isumannaatsumik pitsaasumillu aqutseriaaseqarpoq, takuuk kukkunersiuisut nalunaarutaat 25. 2018-imut Aningaasanut inatsisissatut siunnersuut, Qeqqata Kommunianullu aningaasaliissutigineqarsimangitsut allaffeqarfiup maluginiaqquai.

Ilutigalugu uparuarneqassaaq, sanaartugassanut akisussaaqataanernut tunngasunut Namminersorlutik Oqartussat kommunip sanaartortitsinissanik qinnuteqaataannik tapersiiumangippata, suliniutit taakku Namminersorlutik Oqartussat tapiiffiginissaasa tungaanut inuutissarsiutitigut ineriartortitsinissat, ilinniartitaaneq, sunngiffik, ilaqutariinnermut politikkip ineriartortinneqarnissaa kiisalu sulisoqarnerup ineriartortinneqarnissaa kommunimit suli immikkut sammigallarneqarunik ajunnginnerussaaq.

Allaffeqarfiup innersuussutaa

Missingersuutissatut siunnersuutigineqartut aallaavigalugit allaffeqarfiup innersuussutigaa, kommunalbestyrelsimit akuereqqullugu aningaasaqarnermut ataatsimiititaliap innersuussutigissagaa,

1. akileraarutitigut isertitassatut, ataatsimoortumik tapiissutit kiisalu nalimmassaarinnissamut ilusissatut qitiusumik nalunaarutigineqartut akuersissutigineqassasut, missingersuutissanullu ilanngunneqarlutik, takuuk matumap siuliani eqitsit 2
2. 2018-imut missingersuutissanut ilanngunneqarlutik ataatsimoorullugu sanaartortitassat, innarluutilinnullu centerissat, Namminersorlutik Oqartussat ilumut aningaasaleeqataaniarnersut qulakkeerneqarnissaata tungaanut kinguartinneqassasut, takuuk ilanngussaq 4-mi linjet siulliit marluk.
3. meeqqeriveqarnermut tunngatillugu sanaartortitassat 2018-imut missingersuutissanut ilanngunneqartut, missingersuutissat aappassaaneerneqannginnerini isumannaarniarneqassasut, takuuk eqitsit 4-mi linjet kingulliit pingasut
4. Kissaatit nutaat akuersissutigineqassasut, 2018-imullu missingersuutissanut, ukiunullu 2019-imit 2021 tikillugu missiliuuteqarfiusussanut ilanngunneqassasut, takuuk eqitsit 5
5. inuit akileraarutaat 26 procentiusoq, 2018-imi attatiinnartinneqassasoq

Aningaasaqarnermut ataatsimiititaliap suliamik sularinninnera

Ataatsimiititaliap septembarip 19-ani 2017 ataatsimiinnermini innersuussutigineqartut akuersissutigivai.

Innersuussut

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugit,

1. akileraarutigut isertitassatut, ataatsimoortumik tapiissutit kiisalu nalimmassaarinissamut ilusissatut qitiusumik nalunaarutigineqartut akuersissutigineqassasut, missingersuutissanullu ilanngunneqarlutik, takuuk matumap siuliani eqitsit 2
2. 2018-imut missingersuutissanut ilanngunneqarlutik ataatsimoorullugu sanaartortitassat, innarluutilinnullu centerissat, Namminersorlutik Oqartussat ilumut aningaasaleeqataaniarnersut qulakkeerneqarnissaata tungaanut kinguartinneqassasut, takuuk ilanngussa 4-mi linjet siulliit marluk.
3. meeqqeriveqarnermut tunngatillugu sanaartortitassat 2018-imut missingersuutissanut ilanngunneqartut, missingersuutissat aappassaaneerneqannginnerini isumannaarniarneqassasut, takuuk eqitsit 4-mi linjet kingulliit pingasut
4. Kissaatit nutaat akuersissutigineqassasut, 2018-imullu missingersuutissanut, ukiunullu 2019-imit 2021 tikillugu missiliuuteqarfiusussanut ilanngunneqassasut, takuuk eqitsit 5
5. inuit akileraarutaat 26 procentiusoq, 2018-imi attatiinnartinneqassasoq

Aalajangiineq

Imm. 4-mut oqaaseqaat siulleq, Malene Ingemann

Siumut eqqarsarniarluni aamma aningaasaqarnikkut Kommunitut sukkasuumik akulerussinnaanissaq qulakkeerniarlugu kiisalu Sisimiut Kangerlussuullu akornanni aqquseq sapinngisamik piaartumik pilersinneqarsinnaaniassammat, Kangerlussuup Sisimiullu akornanni aqqusineramik pilersitsinissamut akileraarut procentimik ataatsimik qaffanneqarnissaa pisariaqarsoraara, avammut takutitsinnaanerup pingaassussaa eqqarsaatigalugu, kisiannili aamma QK tamakkerlugu takornariaqarnerup ineriartortinneqarnissaata aallartinneqarniassammat, siunissarlu ungasinnerusoq isigalugu Kommunimi aningaasaqarneq ineriartornerlu qulakkeerniassagatsigit. Kangerlussuup ornitassatut pingaaruteqartutut inissisimaneranut taamak pingaaruteqartillugu, sivisuneusumik utaqqisinnaanngilagut.

Imm. 4-mut oqaaseqaatip aappaa, Malene Ingemann

'meeqqat atuarfinni psykoterapeutit'; missingersuutini kissaat Ilinniartitaanermit, Peqqinnermut, Sunngiffimmi sammisanut Kultureqarnermullu ataatsimiititaliamut missingersuutini kissaatit akuerisaasut ilagivaat. Taanna aningaasartuutaasussaannngimmat ilanngunneqartariaqaralarpoq, sipaarniutinullu ilanngunneqarluni, aamma isumaginninnermut tamarmiusumut annertuumik iluaqutaassaaq kiisalu pinaveersaartitsinnermut sunniuteqarluni. Siunissaq ungasinnerusoq aamma isigalugu isumaginninnermut immikkoortumi aningaasartuuterpassuarnut kommunimut sipaarutaassaaq.

Hans Frederik Olsen oqaaseqaataa:

Ammasuni immikkoortoq 4 eqitsit 5 ilanngunneqassapput inissianik sanaartortuarnissaq utoqqaat pisinnaanerusut inissiassaat utoqqarnut naleqquttut ukiunullu tulliuttunut ilanngunneqassasut.

Frederik Olsen oqaaseqaataa:

Qeqqata kommuniata qulakkeertariaqarpaa qaqutigulluunniit aningaasat tigoriaannaat kaaviiartitanit minnerpaamik 5 procenterissagaat

Karl Lyberth oqaaseqaataa:

Imaqarniliamut ilannguteqquaa isumaqarluni missingersuusiornermi missingersuutitut kissaatini Sisimiut pingaartinneqarneruvallaarsimasooq Maniitsorlu soqutigineqanngivilluni. Tamanna akuerisinnaanngilaa Maniitsumilu ivigaaqqanik arsaattarfiliornissami FIFA-p piumasarisaa malillugu sananeqarnissaa piumasaralugu. Tassunga iluatsillugu qaartiterinerup kingunerisaanik Maniitsumi umiatsiaaqqat inissiiffissaanik nutaamik Akunnequttip kujataatungaani sanasoqarnissaa kissaatigalugu.

Ruth Heilmann oqaaseqaataa

Oqallinneq aallavigalugu økonomiudvalgemut utertinneqassasoq aappassaaneerineqannginnerani suliareqqinneqarluni. Makku ilanngunneqassasut Atuarfik Kilaaseqqap malunnaatilimmik nutarsarneqarnissaa Aamma Kangaamiuni atuarfiup. Maniitsumi inissialiortitsisoqassasoq ilinniartitsisunut amigaataasunut 8-nut. Talittarfimmik nunniuisoqassasoq. Maniitsumilu ivigaasaaqqanik arsaattarfiup qaartiteriffigineqarnissaanut tamakkiisumik aningaasaliisoqassasoq. Taamatut akuersissaguma ikinnerussuteqartutut oqaaseqaateqarpunga.

Erneeraq Poulsen:

Atammimmut aqquserngit aningaasaliifigineqarnerat ataannarnissaat assut kissaatiginarput atammimmi ukiorpassuarni kissaatigineqarmat

Anna Karen Hoffmann:

Atammimmi pinaveersaartitsisup 8 timemik sulisinnaalernissaanut atatillugu siunnersuummut tamakkiisumik isumaqatiginnippugut, nunaqarfiit aamma allat qanoq pisariaqartitsinersut misissorneqarnissaat, pisariaqartitsisullu Tamaasa pisariaqartitaannik iliuuseqarfigineqarnissaat Atassummiit kissaatigivarput, imaqarniliamut ilanngunneqassasoq.

Innersuussut 1: akuersisut: 14 SKH, AKH, EO, JE, EP, MI, MO, KTG, RH, EO, KL, FO, HFO, JO

Innersuussut 2: akuersisut: 14 SKH, AKH, EO, JE, EP, MI, MO, KTG, RH, EO, KL, FO, HFO, JO

Innersuussut 3: akuersisut: 14 SKH, AKH, EO, JE, EP, MI, MO, KTG, RH, EO, KL, FO, HFO, JO

Innersuussut 4: aalajangiunneqarpoq aningaasaqarnermut ataatsimiititaliamut utertinneqarpoq siunnersuutinillu nutaanik ilaasortat nassiussissapput

Innersuussut 5: akuersisut: 11 SKH, AKH, JE, EP, MO, KTG, RH, EO, FO, HFO, JO

Taaseqataangitsut: 3 EO, MI, KL Isumaqaataangitsut: 0

Ilanngussat

1. 2018-imut missingersuutissatut siunnersuut 2017-imi septembarip 18-ianeersoq,
2. 2016-imi inuit akileraarutaasa naliliiffigineqarnerat pillugu Akileraartarnermut Aqutsisoqarfiup 2017-imi aggustip 15-iani allakkiaa
3. Inatsisartut 2018-imut Aningaasanut Inatsisissatut siunnersuutaat, missingersuutitut tapiissutit 20.05.20 ”Kommuninut atatsimoortumik tapiissutit”
4. 2018-imi nalimmassaanissaq pillugu Namminersorlutik Oqartussat mailerutaat
5. Missingersuutissat pillugit isumasioqatigiinnermi sanaartugassat takussusiorneqarnerat missingersuutillu

6. 2018-imut missingersuutissat, ukiunullu 2019-imit 2020 tikillugu missiliuuteqarfiussat pillugit isumasioqatigeereernerup kingorna, missingersuutissanut kissaatinik ataatsimiititaliat tulleriarinerisa takussutissartaa

**Imm. 05 Pitsaaliuisutut atorfiup piffissap ilaannaanit atorfiunerata, piffissaq
tamakkerlugu atorfinngortinneqarnissaanik siunnersuut**

Journalnr. 48.02.20

Kommunalbestyrelsimi ilaasortaq Sofie Dorthe Olsen 2017-imi aggustip 30-ani maileruteqarluni siunnersuutigaa, Atammimmi pitsaaliuisutut atorfik piffissaq tamakkerlugu atorfinngortinneqassasoq.

Ullumikkut Atammimmi pitsaaliuvisoq ullormut akunnerni sisamani sulisarloq, nunaqarfinnilu tamani qeqqata kommuniata ataaniittut tamarmik taamaallutik. Atammik immikkut isigineqartariaqarnera uani erseqqisssarniarpara, ilisimariikkatsitut massakorpiaq piffissami atammimmi kinguaassiutitigut innarlerneqarsimasut pillugit suliniutit aallartisarneqaqqereerput, tamannalu inuttaasunit tigulluarneqarsimasoq tusarparput. Sullinneqartulli amerlanerpaartaat inersimasuupput, inunnillu isumaginninnermi sullissusutut ilisimavara, meeqqat kinguaasiutimikkut innarlerneqarsimasunik pasitsaassinerit pillugit sulianik ingerlatsiniarsarisartoq. Ajoraluartumilli Atammimmi inunnik isumaginninnermut sullissisoq ataasiinnaavoq, taannavorlu inersimasunik annermik sullissisuusoq. Pitsaaliuvisup suliassai arlaqaraluarput soorlu: Ullumikkut angajoqqaat inuusuttullu ikiaroorartumik atuisut Atammimmi ikisassaangitsut innuttaasut eqqartortarpaat, meeqqat ferie nalaani nunaqarfimmiiginnartut ikisassaaneq ajorput, inuusuttuaqqanut sammisassaritinnegartut annikippallaarput. Saniatigullu Napasumi annertuumik meeqqat ilaqutariillu sammineqarsinnaasut qaammarsaavigineqarsinnaasut ikigisassaanatik. Pitsaaliuvisoq ulloq tamaat sulisaleraluarpat inunnik isumaginnittoqarfiup sulisui taarseraqisut Atammimmut tikittarneri ikilisinnaapput pitsaaliuvisup suliassai annertusippata, meeqqat kinguaasiutimikkut innarlerneqarsimasutut pasitsaaffigineqartut angajoqqaavi peqatigalugit sullissinerit, pinaveersaartitsinerit ingerlanneqarsinnaapput.

Ullumikkut pitsaaliuvisoq ullormut akunnerit sisamat kisiisa pissarsiarisartillugit inuuniarnermut amigarilersimavai, taamaattumillu allamik suliffissamik eqqarsaateqalersimalluni. Nunaqarfinni pitsaaliuvisumik atorfinitsitiniarneq ajornartorsiutaasoq nalunnigilarput, tassa ullup affaannaanut sulisussaanertik amigarisarmassuk. Taamaattumik Atammimmi pitsaaliuvisoq atorfinimik tunuassappat piffissami sivisuumi atorfiup inuttassaqqannginnera qularutissaanngilaq. Tamaattumik pitsaaliuvisup ullormut tamakkiisumik akunnerni arfineq-pingasuni sulisalernissaanut oqariartuutaa tungavissaqarluartoq tapersersornartuusoq isumaqarpunga.

Pissutsit atuuttut

Atammimmi pitsaaliuisutut atorfik ullormut akunnerni sisamani atorfiuvoq, piffissarli tamakkerlugu atorfinimmi piffissap affaani qaammammusiaqarfiulluni.

Allaffeqarfiup naliliinera

Pitsaaliuineri atorfiup piffissaq tamakkerlugu atorfinngortinneqassappat, suliartoqquneratarsinnaanermut tapisiat ilanngullugit tungaviusumik akissarsiasat trin siulliat malillugu tamanna qaammammut 25.008 koruuninik naleqassaaq, tamannalu maannakkut missingersuusiorfigineqarnikuunani, soorluttaaq piffissap ilaannaat atorfik piffissaq tamakkerlugu atorfinngortinneqassappat, atorfiit akuerisaasut aamma eqqarsaatigineqartariaqarput.

Innersuussut

Innersuussutigineqarpoq, kommunalbestyrelsip siunnersuut eqqartussagaa, malitsigisaanillu Ilaqtariinnermut Isumaginninnermullu Ataatsimiititaliamut ingerlateqqillugu.

Aalajangiineq

Innersuussutigineqartoq akuersissutigineqarpoq.

Ilanngussat

1. Sofie Dorthe Olsen 2017-imi aggustip 30-ani maileruteqarluni, Atammimmi pitsaaliuisutut atorfik piffissaq tamakkerlugu atorfinngortinneqarnissaanik siunnersuutaa

**Imm. 06 Sisimiuni ilinniartut inaannik nutaanik sanaartornissamut kommunip
pileraaruseriorfigineqarneranut tapiliussassatut nr. 51-issatut siunnersuutip
akuersissutigineqarnera**

Journalnr. 16.03.01.01

Tunuliaqutaq

Namminersorlutik Oqartussat Sisimiuni ilinniartut inaannik sanaartortitsinissaminnik pileraaruseriorfigineqarneranut piviunngortissinnaaqullugu, kommunip pileraaruseriorfigineqarneranut tapiliussassatut nr. 51-issatut siunnersuut suliarineqarpoq. Immikkoortortaq 800-A14-imi arsaattarfiup eqqaani nutaanik ilinniartut inaannik sanaartornissaq, ataatsimoortumik suliniuteqarluni katillugit 204-nik ilinniartut inaannik sanaartornissamut ilaavoq. Ilinniartut inissaat nutaat sinneri Umiivitsiap kujataatungaani sanaartorneqassasut naatsorsuutigineqarpoq.

Maleruagassanut tungavissat

Pileraaruseriorneq aamma nunaminertat atorineqartarnerat pillugu Inatsisartut inatsisaat nr. 17, 17. novembari 2010-imeersoq naapertorlugu kommunip pileraaruseriorfigineqarneranut tapiliussa suliarineqarpoq.

Pissutsit atuuttut

Ilinniartut inaat arfinillit piusut ingutserneqarnissaat, ininilu marluuttarissani, ilinniartitsisunullu inissat pingasut, katillugit siniffissat 72-it sanaartorneqarnissaannut, kommunip pileraaruseriorfigineqarneranut tapiliussatigut periarfissaalissaaq. GTO-jusimasup inaatikui nutaanngilisut, ullutsinnut naleqquttunik taarserneqarnissaannik qangaaniilli kissaatigineqarsimasoq, pileraarutitigut piviunngorsinnaalissaaq.

Nalinginnaasumik pingasunik quleriilerlugu sanaartorneqartarluni nalinginnaasumik najoqqutassiaq malillugu sanaartortoqassaaq. Matumanili sanaartukkat marlunnik quleriilerlugit, ilinniartullu inissaasa kitaatungaani illut isikkiviisa akornuserneqarnissaat minnerpaaffimmiisinniarlugu, portutippallaarnagit sanaartorneqassapput. Illut ataasiakkaat isikkivii qanoq eqqugaassanersut, kommunip pileraaruseriorfigineqarneranut tapiliussamut ilanngussaq 3-mi nassuiaatigineqarput.

Eqqaavimmut Aqqummiit aqut pioreersoq piunnassaaq allilerneqarluni soorlu aamma biilnut inissiisarfik allilerneqassasoq aammalu innarluutilinnut naleqquttumik aqqusineeraq uninngasarfillu pilersinneqassallutik.

Sanaartukkat pioreersut ingutserneqarnerisigut, sanaartugassat nutaat kitaatungaanni illut ilaannut erngup kuuffissuillu aqqutaat aamma eqqugaassapput. Pilersuineri aqgutit taakku nutarsarneqartariaqalersinnaapput, taamaattumillu sanaartorfissami nutaami aqqusiisoqarsinnaanissaa qulakkeerneqarluni.

Ilinniartut inissaat nutaat 2018-ip ingerlanerani naammassineqassasut naatsorsuutigineqarpoq.

Atuilluartaunissakkut kingunerisinnaasai

GTO-kup inaataannut 60-ikkunni sanaartorneqartunut sanilliullugu, ilinniartut inissaat nutaat nukissiuutinik atuinikinnerungaatsiartussaapput. Pilersuineri aqgutit allanngortinneqarnerisigut, illut qanitarisaanniittut kuuffissuarnut attavilersinneqarnissaannut periarfissaqalernissaat qulakkeerneqarsinnaassaaq.

Aningaasaqarnikkut allaffissornikkullu kingunerisinnaasai

Kommunip pilersaarusingineqarneranut tapiliussassaq, Qeqqata Kommunianut aningaasaqarnikkut allaffissornikkullu toqqaannartumik kinguneqassanngilaq. Taamaakkaluartorli kuuffissuit aqquataasa allineqarnerisigut, immikkoortortap avataatigut attaveqaatinut aningaasartuutissat Qeqqata Kommunian killilimmik siumut akiliuteqaratarsinnaassaaq.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, ilinniartut ineqarfiisa ineriartortinneqarnissaannut, kommunip pilersaarusingineqarneranut tapiliussaq akuerineqarsinnaasumik periarfissiissasoq.

Allaffeqarfiup inenrsuussutaa

Allaffeqarfiup Aningaasaqarnermut ataatsimiititaliamut innersuussutigaa akuereqqullugu,

-kommunip pilersaarusingineqarneranut tapiliussassatut nr. 51-issatut siunnersuut aningaasaqarnermut ataatsimiititaliamit kommunalbestyrelsimiillu akuersissutigineqassasoq, sapaatillu akunnerini arfineq-pingasuni tamanut tusarniutigineqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap septembarip 19-ani 2017 ataatsimiinnermini innersuussutigineqartut akuersissutigivai.

Innersuussut

Aningaasaqarnermut ataatsimiititaliap Kommunilbestyrelsimut innersuussutigivaa akuereqqullugu,

-kommunip pilersaarusingineqarneranut tapiliussassatut nr. 51-issatut siunnersuut aningaasaqarnermut ataatsimiititaliamit kommunalbestyrelsimiillu akuersissutigineqassasoq, sapaatillu akunnerini arfineq-pingasuni tamanut tusarniutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Arsaattarfiup eqqaani ilinniartunut ineqarfissaannut kommunip pilersaarusingineqarneranut tapiliussassatut nr. 51-issatut siunnersuut

**Imm. 07 2017-imi septembarip 8-ni 9-anilu KANUKOKA-p Qaqortumi isumasioqatigiinnera
pillugu paasissutissiissut**

Journal nr 00.06.01

Tunuliaqutaq

KANUKOKA-mi aallartitat 2017-imi septembarip 8-ni 9-anilu ataatsimiinnissaraluar, isumasioqatigiinnissamut allanngortinneqarpoq. Aallartitat ataatsimiinnissaraluar, kommunit KANUKOKA-llu siunissaat pillugu isumasioqatigiinnermut allanngortinneqarpoq.

Qaasuitsup Kommunia ukiup nikkinnerani kommuninut marlunnut avinneqarnissaa, KANUKOKA-llu malittarisassai naapertorlugit kommuninngortussat taakku marluk, Qeqertalik Kommunia aamma Avannaata Kommunia, taasisinnaatitaannginnerat patsisigalugit, aallartitat ataatsimiinnissaraluar isumasioqatigiinnissamut allanngortinneqarpoq.

KANUKOKA-p malittarisassai naapertorlugit KANUKOKA-mi oqartussaasut qullerpaat tassaapput, kommunini ilaasortaasuni aningaasaqarnermut ataatsimiititaliat. Aningaasaqarnermut ataatsimiititaliami ilaasortat kiisalu kommunimi pisortaaneq isumasioqatigiinnermut peqataapput.

Maleruagassatigut tunngavissat
KANUKOKA-p malittarisassai.

Pissutsit atuuttut

Ukiup naanissaata tungaanut kommunit KANUKOKA-mut ilaasortaasut pingasuupput; Kommune Kujalleq, Qeqqata Kommunia aamma Qaasuitsup Kommunia.

Siulersuisut:

Simon Simonsen, Siumut - Kommune Kujalleq (siulittaasoq)
Kîsta P Isaksen, Siumut - Kommune Kujalleq
Malik Berthelsen, Siumut - Qeqqata Komunia
Kristian Broberg, Siumut - Qaasuitsup Kommunia
Ole Dorph, Siumut - Qaasuitsup Kommunia
Stine Egede, Inuit Ataqatigiit - Kommune Kujalleq
Siverth K Heilmann, Atassut - Qeqqata Kommunia

Oqaluuserisassat naapertorlugit, takuuk ilanngussaq 2, septembarip 8-ni saqqummiisut arlaqariarlutik, septembarip 9-ani peqataasut suleqatigiinnut agguataarlutik suleqatigiipput. Saqqummiisut saqqummiineri aallaavigalugit, suleqatigiit KANUKOKA-p siunissaa qanoq isikkoqassanersoq eqqartorpaat.

Suleqatigiit suleqatigiinni eqqartuinerat kiisalu eqqartukkat aallaavigalugit, tulliuttutut inerniliussat tusagassiuutitigut nalunaarutissami ataatsimoortinneqarput:

Nunatsinni Kommunit tamarmik KANUKOKA-mut ilaasortaalernissaat sulissutigineqassaaq:

- *KANUKOKAp ataatsimeersuarnissaa (primo 2018) sioqqullugu borgmesterit ikaarsaariarnermilu siulittaasut tamarmik piaartumik naapeqatigiissapput siunnerfissarsioqatigiillutik. (Qaaqquisuussapput Kommune Kujallermi Borgmesteri aamma Qeqqata Kommuniani Borgmesteri)*

KANUKOKA-p ataatsimeersuarnissaanut inassutigisassat:

- *Kommunit sinnerseraallutik siulittaasuutitaqartalissapput.*
- *KANUKOKA-p Maniitsumi allattoqarfeqarnera ingerlaannassaaq.*
- *Siulittaasoq siunnersortilu siulittaasup suleqatissaa Nuummi najugaqassapput (malugalugu kommunit ikinnerpaamik sisamat ilaasortaappata).*
- *Kommunit ataatsimoorlutik siunnersortigisassaat KANUKOKA-mi atorfeqartitassat ataatsimeersuarnermi aalajangersaavigineqassapput (ass. atuarfeqarnermut, isumaginninnermut, aningaasaqarnermut inatsisilerinermullu siunnersortit).*

KANUKOKA-p Naalackersuisullu suleqatigiinnerannut tunngatillugu suliakkiutit:

- *Aqutsinermut inatsisip allangortinneqarnissaanik Naalackersuisut siunnersuutaat Inatsisartut 2017-mi ukiakkut ataatsimiinneranni suliaassangortitaq minnerpaamik KANUKOKA-p ataatsimeersuareernissaanut kinguartinneqassasoq Naalackersuisunut Inatsisartunullu inassutigineqassaaq.*
- *KANUKOKA-p aammalu Naalackersuisut isumaqatigiinniartarnerannut tunngatillugu si-naakkutassanik tunngaviusumik isumaqatigiissuteqartoqassaaq, tassani nalunaarsorneqarsimassapput suut isumaqatigiinniutaasassanersut suullu isumaqatigiinniutaasussaanginnermut.*

Taamaalilluni malitsigisaanik Kommune Kujalleq-mi aamma Qeqqata Kommunian-ni borgmesterit, borgmestereqatit ikaarsaariarnermilu ataatsimiititaliat siulittaasui eqqartueqatiginiarlugit ukioq naatinnagu aggersaassapput.

Aningaasaqarnikkut allaffissornikkullu kingunerisinnaasai

KANUKOKA-p siunissaa apeqqutaammat, kingunissai sulii ilisimaneqanngillat.

Allaffeqarfiup naliliinera

KANUKOKA kommuninut peqatigiiffittut ingerlaannarsinnaaqullugu, minnerpaamik kommunit pingasut ilaasortaasariaqarput.

Innersuussut

Suliaq kommunalbestyrelsimut paasissutissiissutitut saqqummiunneqarpoq.

Aalajangiineq

Ruth Heilmann-ip oqaaseqaataa:

Eqqaamaqquneqarpoq Maniitsumi KANUKOKA angerlarsimaffeqarmat neriutigalugulu ataatsimiinnerit tullii Maniitsumi ingerlanneqarumaartut. Eqquumiiginarpoq siulittaasoq siunnersortillu Nuummi najuaqarnissaanik innersuussuteqarmat. Siunertaammat paarlakkaallutik siulittaasuusussat. Taava paarlakkaallutik Nuummut nuuqattaassappaat. KANUKOKA ingerlaqqissaguni kommunininit tamanit peqataaffigineqarnissaa kissaatiginarmat. Massakkut kommunit ataasiakkaarlutik isumaqatigiinniarsinnaammata, taamaattumik inatsisitigut naalackersuisut allaangortitsisariaqarput toqqaannaq kommunit nammineerultik isumaqatigiissinnaanerit KANUKOKA aqqaataasariaqarmat, taamaaliunngikkutta KANUKOKA siunissangannitsutut siunissaqanngimmat.

Paasissutissiissut tusaatissatut tiguneqarpoq.

Ilanngussat

1. Ataatsimiigiaqqusinermut qaaqquusissut september 2017
2. Ullut 8. – 9. Sept. 2017-imi qulequtaqarluni seminareqarnermut pilersaatut
3. Peqataasut allassimaffiat
4. Ulloq 11.09.2017-imi siulittaasup tusagassiuutinut nalunaarutaa
5. Saqqummiisut arlallit saqqummiussa
6. Ileqqoreqqusaq 19-02-2016-imi akuerineqartut
7. Kommunit KANUKOKA-llu siunissaat pillugit isumasioqatigiinneq 8-9 sept 2017

**Imm. 08 Kommunalbestyrelsimit sulinngiffeqarnissamik qinnuteqaat – Gideon Lyberth
*Malinnaatitaq***

Journalnr. 01.01.05

Tunuliaqutaq

Borgmester Malik Berthelsen-ip sulinngiffeqarnerani 1. viceborgmester Gideon Lyberth 20. september 2017-iminngaani 5. oktober 2017-ip tungaanut borgmesteritut atuuppoq.

26. september 2017-imi Gideon Lyberth-i pisortaanermut mail-ikkut nassitsivoq imatut imaqartunik:

“Peqqissusera ullormiit ullormut nikerarnermik Kommunalbestyrelse-mi, sana-mi misissortereernissama, 25. Oktober tungaanut, sulinngiffeqarnissaamik qinnuteqarpunga. Neriullunga qinnuteqaatiga tigulluarneqarumaartoq.”

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq.(Aqutsinermut inatsit)

§ 22. Suliassat inatsit manna kommunimilu aqutsinermi malittarisassat naapertorlugit borgmesterimut isumagisassanngortinneqartut borgmesterip pisinnaannginnerani borgmesterip tulliata kingoraartaagallarnermi isumagisarilissavai.

Borgmesterimut isumagisassanngortinneqartut borgmesterip pisinnaannginnerani borgmesterip tulliata kingoraartaagallarnermi isumagisarilissagai aamma atuuppoq 1. Viceborgmesterip 2. Viceborgmesterimut suliassat isumagisassanngortinneqarsinnaanerat.

Kommunit aqunneqarnerat pillugu Inatsisartut inatsisaata allanngortinneqarnera pillugu Inatsisartut inatsisaat nr. 6, 29. november 2013-imeersoq (Kommunalbestyrelsimit ilaasortajunnaarnissamik qinnuteqaatit. Najukkami ataatsimiititaliat aamma ataatsimiititaliat immikkut ittut kiisalu ataatsimiititaliani ilaasortat aningaasarsiaqartinneqartarnerat. Borgmesterit soraarnerussutisiaqartinneqartarnerat pillugu aqqissuussineq.)

1. § 15, imm. 2, imatut oqaasertalerneqarpoq:

”Imm. 2. Kommunalbestyrelsimi ilaasortaq imm. 1-imi taagorneqartuni pissuteqarluni qaammatit marluk sinnerlugit suliassanik isumagisaqarnissamik pisinnaanngitsoq, kommunalbestyrelsimut ilaasortaq akissaateqarani sulinngiffeqarallarnissamik qinnuteqassaaq.

Sulinngiffeqarallarnissamik qinnuteqaat borgmesterimut nassiunneqassaaq, qinnuteqaallu imaqqassaaq pissutaasutut tunuliaqutaasooq pillugu paasissutissamik aamma taamatut pisinnaannginnermut pissutaasup qanoq sivisutiginnissaa naatsorsuutigineqarnerooq.

Qinnuteqarnermut atatillugu uppernarsaatit pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Tamatuma kingorna sinniisussaq ataatsimiinnissami tulliuttumi siullermi peqataaqqullugu borgmesterip aggersassavaa.”

2. § 15, imm. 3, imatut oqaasertalerneqarpoq:

”Imm. 3. Kommunalbestyrelsip aalajangissavaa ilaasortap sulinngiffeqarallarnissaamik qinnuteqaataani aamma sinniisussap isernissaanut piunasaqaataasut eqqortinneqarnerut.”

Pissutsit atuuttut

Gideon Lyberth-ip kommunalbestyrelsimit sulinngiffeqarallarnissaminut qinnuteqaataa § 15, imm. 2 malillugu periarfissaavoq aammalu borgmesteritut atuuffini 2. viceborgmester-imut ingerlateqqinissaa, Aqutsinermut inatsisimmi § 22. Imm. 1-i malillugu akornutissaqanngilaq.

Borgmester Malik Berthelsen sulinngiffeqarnerani, 1. Viceborgmesterillu Gideon Lyberth-ip sulinngiffeqarnerniarluni qinnuteqarmat, 2. viceborgmester Juliane Enoksen, 5. oktober 2017 tungaanut borgmesteritut atuutissaaq.

Siumut sinnisussanut allassimaffia malillugu Gideon Lyberth-ip sulinngiffeqarnerani Efraim Olsen kommunalbestyrelsimi ilaasortanngussaaq.

Aningaasaqarnikkut allaffissornikkullu kingunerisinnaasai

2. viceborgmesterip borgmesteritut atuunnermini akissarsiaqartinneqassaaq.

Allaffeqarfiup innersuussutaa

Kommunalbestyrelsi sinnerlugu 2. viceborgmesterip akuersissutigissagaa:

- 1) Gideon Lyberth 27. september 2017-iminngaani kommunalbestyrelsimit sulinngiffeqassasoq, misissortereerunilu sulileqqissasoq.
- 2) Efraim Olsen kommunalbestyrelsimi ilaasortanngortoq Gideon Lyberth-ip sulinngiffeqarnerani

2. Viceborgmesterip aalajangiinera

Kommunalbestyrelsi sinnerlugu borgmesteri tulliata aappaa septembarip 26-ani 2017 aalajangiivoq,

Innersuussutigineqartut akuerissutigalugit.

Aalajangiineq pillugu kommunalbestyrelsi tullissaanik ataatsimiileruni aalajangiineq akuersissutigivissavaa.

Innersuussut

Innersuussutigineqarpoq kommunalbestyrelsip akuersissutigissagaa,

- 1) Gideon Lyberth 27. september 2017-iminngaani kommunalbestyrelsimit sulinngiffeqassasoq, misissortereerunilu sulileqqissasoq.
- 2) Efraim Olsen kommunalbestyrelsimi ilaasortanngortoq Gideon Lyberth-ip sulinngiffeqarnerani

Aalajangiineq

Karl Lyberth immikkoortumi peqataanngilaq suliamut attumassuteqarnini pissutigalugu. Innersuussutigineqartut akuerissutigineqarput.

Ilanngussaq

1. Gideon Lyberth-ip 26. september 2017 mail-ia
2. Siumut sinnisussanut allassimaffiat.

Imm. 09 Tamalaat

Ruth Heilmann-ip apeqqutigivaa kollegia qaqugu ammaqquissanersoq. Apeqqutaanut Malene Ingemann akissuteqarpoq.
Utoqqaat ulluanut tunngasumut apeqqutaa borgmesteriugallartumit akineqarpoq.

Karl Lyberth apeqqutaa Maniitsumi pinnguartarfiliornissamut tunngasoq pisortaanerup tullianiit akineqarpoq.
Borgmesterip tusagassiutigut aallakaatinneqartumi meeqqanut akiliutaasartut atorunnaarsinneqarnissaa siunnersuutigineqartoq, suminngaaniit aallaaveqarnersoq apeqqutaanut borgmesteriugallartumit akineqarpoq. Kissaatigineqarpoq kommunalbestyrelsimip tamarmiusup isumaa tassaassasoq avammut saqqummiunneqartartussa.

Marius Olsen apeqqutaa Sarfanguani timersortarfeeraliornissamut tunngasoq pisortaanerup tullianiit akineqarpoq.
Tuniniaavimmut Qimatulivimmut apeqqutaa pisortaanerup tullianiit akineqarpoq.
Sisimiuni qimmiliviup namminersortunut sanaartorfissatut atugassanngortinneqarsimaneranut qimmit sumut nuunneqarniarnersut, aammalu Qimussertartut Peqtigiiffiat suleqatigineqarnersoq apeqqutaanut borgmesteriugallartumit akineqarpoq.

Frederik Olsen-ip Sisimiuni nikissiteqarnerup qanoq inissisimaneranut kissaatigivaa ataatsimiinnissap tullianut nassuiarneqassasoq.
Allakkat qallunaatut kalaallisullu allassimasut pillugit oqaatsit sorliit salliutinneqartarnersut apeqqutaanut pisortaanermit akineqarput.

Anna Karen Hoffmann-ip apeqqutaanut kommunalbestyrelsimi ilaasortat napparsimatillutik qanoq inissisimasarnersut - nakorsamit uppersaateqartassanersut pisortaanermit akineqarpoq.

Malene Ingemann-ip apeqqutaa sooq Sisimiuni angallat umiarsualivimmi kivinikoq sooq Kangerluaarsunnguamut nuunneqaannarsimasoq qaqqinneqarani, pisortaanerup tullianiit akineqarpoq.